



文苑
翻
散
一

玉
母
文

~ 20
2457
2

三



20
2457
122

20
2457
2



文苑齋散卷之一目錄

五冊文一 尊號

翼祖大王貞淑王后追崇上尊號五冊文

太祖大王上太上王尊號五冊文

定宗大王上上王尊號五冊文

定安王后上王大妃尊號五冊文

太宗大王上上王尊號五冊文

太宗大王上太上王尊號五冊文

元敬王后上王大妃尊號五冊文

元敬王后追上尊號五冊文



昭憲王后追上尊號玉冊文

顯德王后追上尊號玉冊文

世祖大王上尊號玉冊文

貞熹王后上尊號玉冊文

貞熹王后上王大妃尊號玉冊文

貞熹王后加上尊號玉冊文

貞熹王后上王大妃尊號玉冊文

德宗大王追崇上尊號玉冊文

德宗大王追上尊號玉冊文

昭惠王后上尊號玉冊文

又

昭惠王后上王大妃尊號玉冊文

章順王后追上尊號玉冊文

安順王后上王大妃尊號玉冊文

貞顯王后上王大妃尊號玉冊文

文定王后上王大妃尊號玉冊文

宣祖大王上尊號玉冊文

宣祖大王追上尊號玉冊文

懿仁王后追上尊號玉冊文

又

仁穆王后上尊號玉冊文

仁穆王后上王大妃尊號玉冊文

又

仁穆王后加上尊號玉冊文

元宗大王追崇上尊號玉冊文

仁獻王后追崇上尊號玉冊文

莊烈王后上王大妃尊號玉冊文

莊烈王后上大王大妃尊號玉冊文

莊烈王后加上尊號玉冊文

孝宗大王追上尊號玉冊文

仁宣王后上王大妃尊號玉冊文

顯宗大王追上尊號玉冊文

明聖王后上王大妃尊號玉冊文

明聖王后追上尊號玉冊文

肅宗大王上尊號玉冊文

肅宗大王追上尊號玉冊文

仁敬王后追上尊號玉冊文

仁顯王后追上尊號玉冊文

仁元王后上尊號玉冊文

仁元王后上王大妃尊號玉冊文

仁元王后上大王大妃尊號玉冊文

仁元王后加上尊號玉冊文 七

仁元王后追上尊號玉冊文

宣懿王后上大妃尊號玉冊文

英宗大王上尊號玉冊文

英宗大王加上尊號玉冊文 四

英宗大王追上尊號玉冊文


貞聖王后上尊號玉冊文

貞聖王后加上尊號玉冊文 二

貞聖王后追上尊號玉冊文 三

王大妃殿上尊號玉冊文

王大妃殿加上尊號玉冊文 五



文苑黼黻卷之一

五册文一 尊號

翼祖大王貞湫王后追崇上尊號五册文 太宗辛卯

仁深積累克衍貽謀心切尊崇式勤歸美茲率藝典

聿嚴緝儀恭惟濬哲恭和仁惠康靖聿修厥德輝光

蘊於當時長發其祥流澤垂於永世恭惟性稟貞湫

行敦靜專儆戒無違夙著閨門之範柔嘉維則實基

風化之源伏念幸賴陰庥叨承景緒爰謹徽稱之獻

用申永慕之誠臣 諱不勝大願謹奉册寶上尊號曰

康惠聖翼大王貞湫王妃仰冀英明俯垂歆允 大提尹

准製

太祖大王上太上王尊號玉冊文

定宗庚辰

應千齡而作之君肇開景運以一國而傳之子宜極
尊稱茲率典章庶伸誠孝恭惟勇智天錫聖敬日躋
武烈偉於濟時寬仁溥於育物斯迫輿情之推戴以
建王業之興隆方百度之維新遽萬機之是倦庸釋
大位傳付眇躬遂黽勉以恭承每祇勤而惕勵欲彰
盛德之至惟在徽號之崇率籲臣僚舉行冊禮臣
不勝大願謹奉冊寶上尊號曰啓運神武伏惟廟庑
容之度推覆育之慈體一大之曰天勿嫌強名之道

在萬姓而為父永享多壽之期

修文殿學士權近製

定宗大王上上王尊號玉冊文

太宗庚辰

德敦親愛式著克讓之光禮合尊崇益虔強名之道
茲遵藝典庸獻徽稱恭惟性稟溫文心全孝友承太
上而即政克綏厥猷保小子而盡仁乃命以位顧忝
傳歸之緒惟懷報謝之悰臣御不勝大願謹上尊號
曰仁文恭睿伏惟樂道優游凝神怡養俯諒由衷之
願永膺多祉之祺

定安王后上王大妃尊號玉冊文

太宗庚辰

保佑恩隆母儀斯著尊崇禮備子道是殫庸舉彝章

庶伸誠孝恭惟柔嘉稟性恭儉存心維德之行夙彰
治內之美因心則友克篤展親之仁實賴慈庥獲叨
洪緒欲表難名之德宜加歸美之稱臣諱不勝大願
謹奉冊寶上尊號曰順德伏惟勉循歡情誕膺顯號
儼至人而多壽與一國而同休

太宗大王上上王尊號玉冊文

世宗戊戌

聖神之妙雖絕名言臣子之情必崇徽號茲舉彝憲
用伸孝思恭惟高明配天博厚齊地扶祖舊本作聖
而啓運尊嫡長以守成德冠百王享舜文之所性功
高萬代與湯武而同符敦敬天愛民之誠盡事大交

隣之道惟至仁之浹洽致斯世於隆平念襲重艱實
深祗懼欲昭盛美當極尊稱爰率臣僚式陳冊禮臣
諱不勝大願謹奉冊寶上尊號曰聖德神功伏惟特
留睿鑑以徇卑忱俯受鴻名擁純禧之川至茂迎和
氣享多壽於萬呼

議政府參贊
卞季良製

太宗大王上太上王尊號玉冊文

世宗辛丑

聖德極尊推崇無上神功至大報効何施唯有徽稱
庶昭盛美恭惟建開邦之策決定社之機愛親敬兄
為生民而立極交隣事大回世道以底平修祀畫如
在之誠發政先無告之類乾坤覆載動植咸囿於堯

仁日月貞明邪正自形於舜智念承付托常切憂勤
雖冊禮之已陳尚臣心之有懽爰上加尊之號用申
歸美之儀臣諱不勝大願謹奉冊寶上尊號曰聖德
神功伏惟垂並育之慈擴優容之度曲從輿望俯受
七字之鴻名茂迓天休永享萬年之聖壽議政府恭
贊卞季良

元敬王后上王大妃尊號玉冊文 世宗戊戌

承天厚載雖盛德之難名孝子至情惟尊親之為大
祇率禮文之舊少伸愛敬之誠恭惟柔惠安貞慈和
澍慎基周南之美化嗣摯仲之徽音儆戒無違克盡

相成之道劬勞罔極難酬載育之恩儼日御以恒升
示毋儀於家國念臣弱質叨守鴻圖仰惟顧復之私
宜舉稱揚之典臣鞫不勝大願謹奉冊寶上尊號曰
厚德伏惟光膺顯號茂介繁禧享壽福於萬年昌本
支於百世

元敬王后追上尊號玉冊文 世宗甲辰

至恩莫報徒切愴懷徽號是崇式勤歸美茲率藝典
聿嚴令規恭惟稟質貞嘉操行敬順心專坤厚彰懿
德於宜家道配乾元昭盛烈於定社載闡閔睢之化
遂致麟趾之祥伏念幸賴丕庥叨承景緒爰謹殊稱

文苑菁華 卷一
之獻用伸永慕之誠臣謹不勝大願謹奉冊寶加上
尊號曰彰德昭烈元敬仰冀澍靈俯垂明允播鴻休
於萬世貽燕謀於億年

昭憲王后追上尊號玉冊文

文宗 壬申

徽音永秘曷勝悲悼之懷至德難名宜極推崇之典
茲陳綈禮庸舉藝章恭惟莊敬靜專慈仁勤儉光配
乾御基風化於二南克全坤儀衍本支於萬世陰教
丕著懿範昭垂伏念叨荷燕禔獲承鴻祚爰上歸美
之號聊伸欲報之忱臣謹不勝大願謹奉冊寶加上
尊號曰宣仁齊聖昭憲冀諒孝思庶紆欽允膺休稱

於不朽介景福於無疆

顯德王后追上尊號玉冊文

端宗 甲戌

永念至德曷勝愴懷祇薦休稱式勤歸美茲陳綈禮
實稽藝章恭惟敬孝慈仁柔嘉惠順夙著虞嬪之懿
行克全壺儀光繼周妣之徽音密贊王化載衍麟趾
之慶以貽燕翼之謀伏念叨荷洪休獲承宏緒爰上
丕顯之號聊伸欲報之忱臣謹不勝大願謹奉冊寶
加上尊號曰仁孝順惠顯德冀諒精衷庶紆英鑑耀
貞輝於罔極介景福於無疆

世祖大王上尊號玉冊文

世祖 丁丑

誕受丕基方撫景運贊揚盛德宜極尊稱茲率舊章
敢伸歸美恭惟聰明睿智剛健粹精炳幾先而掃群
凶保安宗社善繼述而凝庶績輯綏黎蒸惟文謨武
烈之並隆諒古往今來之罕比且蕙園丘之熙事乃
配皇祖於昊穹大禮告成三靈默佑欲彰至道之妙
寔在徽跡之崇爰舉緝儀式闡顯冊臣等不勝大願
謹奉冊寶上尊誦曰承天體道烈文英武伏惟少垂
聖鑑茂對鴻休益懷宏遠之規永享康寧之福

提學李承石製

貞熹王后上尊誦玉冊文

世祖丁丑

德配乾剛式隆王教之本位正坤順咸仰母儀之尊
宜建鴻名益昭懿範恭惟性稟貞澍心存儉勤內助
協於塗山密贊龍飛之造徽音嗣于太妣茂開麟趾
之祥基風化於四方衍本支於百世茲舉緝禮誕敷
洪休臣等不勝大願謹奉冊寶上尊誦曰慈聖伏惟
端居禁闈光膺顯跡承一人之有慶享五福於無疆

集賢殿直提學李承石製

貞熹王后上王大妃尊誦玉冊文

睿宗己丑

坤元厚德雖莫罄於名言人子至情宜誕揚於徽跡
茲率舊典少答洪私恭惟性稟柔嘉躬履節儉配乾

儀而立極繼羲曜以齊明維德之行翼龍飛於五位

受命既固受命既固舊本作有命既集衍鴻休於百男念惟孱資

叨承大業莫匪文母之教敢忘昊天之恩雖當淵默

而不言庶幾圖報於罔極肆採輿頌庸舉綏儀臣諱御

不勝大願謹奉冊寶上尊跽口慈聖欽仁景德宣烈

明淵徽懿伏惟光膺顯稱茂介繁祉作母儀於一國

享天祿於萬年禮曹參判李承召製

貞嘉王后加上尊號玉冊文 睿宗己丑

孝無加於進進字恐誤禮更竭微誠敬莫先於尊親盍崇

徽跽茲肆藝典敢舉綏儀恭惟夙躋坤柔克配乾健

實乃倪天之聖固自應期而生誕策提甲之神猷用

樹鴻業密贊垂衣之至治適隆燕謨猥將菲資叨承

懿範奚報罔極之德庶伸歸美之情爰備彌文於椒

闈載揚景鑠於玉檢臣諱不勝至願謹奉冊寶上尊

跽口慈聖欽仁景德宣烈明順元淵徽慎惠懿伏惟

光膺顯禮茂迓純禧名者實之賓既燮殊稱於有永

壽乃福之首益祈遐筮於無疆

貞嘉王后上大王大妃尊號玉冊文 成宗辛卯

祇荷慈訓之仁舉國以聽宜極徽稱之禮示民有尊

茲率舊章恭獻寶冊恭惟任姒聖德馬鄧神功贊烈

祖于家于邦中興景業啓後人丕承丕顯益鞏靈圖
雖聖跡之已崇顧愚衷之有歎載稽加上之典用伸
歸美之誠臣鞫不勝大願謹奉冊寶加上尊誦曰慈
聖欽仁景德宣烈明順元澍徽慎惠懿神憲伏惟勉
受洪名得歡心於四表茂膺繁祉享榮奉於萬年

德宗大王追崇上尊誦玉冊文

成宗辛卯

大德必得其位無間幽明至孝當顯其親敢虧終始
茲舉追崇之典用伸歸美之辭恭惟聖神難名溫文
成性早居元良之極東觀發祥克恢宥密之基後伺
續緒念惟積累之至盍上殊徽之稱臣鞫不勝大願

謹奉冊寶上尊誦曰溫文懿敬伏惟冀諒徽忱庶紆
英顧膺鴻跡之有耀景鑠惟新錫介福於無疆綿洪
益永

德宗大王追上尊誦玉冊文

成宗乙未

德盛者享福必豐無間存沒孝至者尊親為大宜極
情文况疏封於帝庭盍崇跡於廟貌恭惟溫仁夙稟
英睿生知東觀儲祥早著元良之媿前星耀彩允協
謳歌之歸克恢宥密之基載綿鴻厯之業伏念猥承
積慶誕受丕圖永惟覆育之恩每切顯揚之懇自天
有命既見追王之榮舉國均歡敢獻加尊之誦謹奉

冊寶上尊誦曰宣肅恭顯溫文懿敬仰冀冲鑑俯諒
精哀日月齊明保徽稱於不朽乾坤並久錫景福於
無疆

昭惠王后上尊誦玉冊文

成宗辛卯

仰惟鞠育之恩欲報罔極第崇徽懿之誦在禮當先
茲率舊章載揚緜典恭惟慈仁靜一澍慎柔嘉贊昭
考之元良允執婦道訓眇躬之愚昧式隆母儀不有
殊美之稱曷表推崇之懇臣讞不勝大願謹奉冊寶
上尊誦曰仁粹伏惟光膺寶冊茂迓純禧聖筮延洪
益膺萬歲之慶長秋怡悅永享一國之歡

又

恐是撰出不用者既載舊本故姑存之

資坤以成恩罔極於鞠育尊親為大禮宜重於推崇
茲率舊章式揚緜典恭惟聖善明哲柔懿靜專儷昭
考而嗣徽音懋修嬪則誕眇躬而詒慈訓丕彰母儀
嚮在承襲之初密贊保佑之策家邦衍慶宗社底寧
顧惟厚德之酬盍謹隆名之薦謹奉冊寶上尊誦云
云伏惟俯循衆志昭受天休彤管有輝庶奉養以一
國皇圖永固期怡愉於萬年

宗直製

金

昭惠王后上王大妃尊誦玉冊文

成宗乙未

克嗣徽音闡翟儀於坤軸載稱盛美上鴻誦於椒闈

恭惟道繼虞嬪德協文母配先聖修諸內治儆戒無
違保小子式至今休劬勞罔極仰念願復每懷顯揚
受天之光緝禮已隆於宮壺尊親為大榮孝當盡其
情文用伸歸美之辭聿舉推崇之典臣諱不勝大願
謹奉冊寶上尊號曰仁粹伏惟丕膺寶冊茂對純禧
長樂怡愉永享一國之養壽筵絲遠將奉萬年之懽
章順王后追上尊號玉冊文 成宗壬辰

為之後為之子當盡孝敬之心有是實有是名蓋舉
尊崇之典冀紆冲鑑俯膺殊稱恭惟性叶坤柔德懋
天倪早配貳極追懿範於虞嬪思媚兩宮邁徽音於

周如奈象服之未整而鸞馭之遽昇伏念猥將孱資
叨承令緒仰隆化之垂裕第哀慕之彌深載稽彝規
式揚鴻號臣諱不勝大願謹奉冊寶上尊號曰教仁
昭德章順庶諒丹悃永錫玄扶

安順王后上王大妃尊號玉冊文 成宗辛卯
為之後為之子當盡愛敬之心有其德有其名蓋舉
尊崇之典載揚懿範恭獻徽稱恭惟性稟溫柔躬行
慈儉聿修內政道已隆於母儀用贊先王功實侔於
坤載上以奉承於長樂下以顧復於眇躬聊伸歸美
之辭式表欲報之懇臣諱不勝大願謹奉冊寶上尊

文苑補遺 卷一
誦曰仁惠伏惟俯循輿望誕受鴻儀益膺百福之臻
永享一國之養

貞顯王后上王大妃尊誦玉冊文

燕山乙丑

示下民莫先於孝祗奉長樂之歡有大德必得其名
誕加東朝之誦載舉盛典丕述鴻休恭惟澍慎柔嘉
齊莊靜一周京作嬪邁任如之徽音漢殿怡神繼馬
鄧之懿範寶訓紀於宮史壺化彰於國風閔予幼冲
之年荷茲保佑之篤生成罔間於胎教愛敬實根於
孩提思厚載之深仁莫酬洪造摹太陰之精耀式增
綈儀仰惟徽稱允協聖善敦母慈以首後嗣秉坤順

以配先王三宮合慶於至和萬類仰庇於大惠功兼
德茂名與實符臣懼不勝大願謹奉冊寶加上尊誦
曰慈順和惠伏惟俯諒微衷光膺顯冊魚軒擁瑞茂
迓百福之綏鶴筮齊天永享一國之養

文定王后上王大妃尊誦玉冊文

明宗丁未

為政莫先於孝所貴尊親大德必得其名宜極歸美
茲舉加崇之制庶伸臣子之情恭惟道邁塗山功高
文母守先王之基業宗社賴安濟冲子于艱難曆數
有在偉大統之既正乃无惡之斯除朝著廓清乾綱
復振仁施溥博動植咸囿於堯天明燭幽微陰翳悉

伏於舜日人爭頌乎神聖世可躋於唐虞雖冊禮之
已陳尚臣心之未懽稽迪舊典增崇徽稱謹奉冊寶
加上恐脫尊號聖烈仁明伏冀睿鑑俯循輿望蔭本
支於百世衍福祿於萬年左議故李芑製

宣祖大王上尊號玉冊文宣祖甲辰

漢儀再整既慰謳吟之思周命方新庸舉闡揚之典
雖知淳懿克協猶懼巍蕩難名恭惟剴健粹精聰明
睿智寅畏三紀益輸維翰之忠昇平百年猝遇匪茹
之禍惡有甚於問鼎豈可以遺君替罹凶鋒赴愬
哀曲義之與此違念運祚之重熙誠無不通宜致天

心之昭格功業允邁於古藝章寧闕於今臣等不勝
大願謹奉冊寶加上尊號曰至誠大義格天熙運伏
惟俯受徽稱光膺景福金湯保險繇堂構之靈承帶
礪策勲賁風雲之慶會丕顯其德永孚于休判府事沈喜壽

宣祖大王追上尊號玉冊文光海辛酉上號仁祖癸酉歲去

荐荷皇靈獲睹雪誣之慶光昭令德敢彈歸美之誠
爾薦隆名備陳徽典恭惟功多前烈業闡中興洗宗
社之深羞十數代彝倫乃叙守君臣之大節二百年
基命維新惟其啓迪之罔愆是以續承之無忝屬克

虜構患上國彼譖人交亂小邦騁詐行言奚為而至也錫誠往愬吾有所受之三韓禮義之邦幾於禽獸一扎絲綸之降揭若日星得微洪恩寔由成憲茲切揄揚之願聿申崇奉之儀敷錫燕謨道誦彰於列聖廣延鴻祚澤實洽於後休合受殊稱誕膺弘錄臣璋不勝大願謹奉冊寶加上尊踰曰貽謀垂裕廣休延慶伏惟冀垂明儆俯諒微悃不顯亦臨殷享配天之祀俾昌而熾益綏永世之禧

藝文提學李廷龜製

宣祖甲辰

懿仁王后追上尊踰玉冊文
含章在中既彰懿範歸羨報上宜揭顯稱遵古今之

通規合幽明而一體恭惟柔嘉維則澍慎其身儼宸極三十年終始儆戒遭國運百六會夙夜憂勤迨和濟乎艱難由協贊其風化雖陰功內治莫究於當時而休烈取光益播於來許然不盡其揚厲曷足擬諸形容爰擇吉辰式闡盛典臣等不勝大願謹奉冊寶加上尊踰曰徽烈伏惟炳靈孚格歆鑑昭臨衍遺慶於宮闈垂裕有永增多福於宗祏錫羨無疆

弘文提學吳億

製

又李粹光文集謂甲辰尊踰時應製而既有上文恐是換出不用者

儼尊宸極聿啓王化之源衍慶寶圖益仰母儀之盛

宜敷懿美式表追崇恭惟性稟慈仁心存勤儉乾坤
 克協於昭厚載之功夙夜相成丕贊重恢之業雖陰
 教莫究於終始願休稱寧間於幽明茲擇良辰敢薦
 禋禮伏惟澍靈有赫多鑑無違膺顯冊於冥冥如在
 左右祐洪基於世世永裕後昆大司成李
 粹光製

懿仁王后加上尊號五冊文光海庚戌

徽音日遠曷勝攀慕之懷聖德天高宜盡顯揚之道
 爰率舊典祇薦休稱恭惟賢邁虞嬪澍侔周妣協內
 治於寧考功存宗社澤在蒸黎垂慈訓於眇躬義重
 彝倫恩深撫育養不逮於一國痛又過於三年伏念

叨荷燕謀獲承鴻祚茲當同紉之日用展欲報之誠
 臣瑋不勝大願謹奉冊寶加上尊號曰章聖徽烈貞
 憲懿仁伏惟冀諒精衷庶紆英鑑增輝彤史丕闡不
 朽之名合饗太宮永錫無疆之福大提學李
 廷龜製

仁穆王后上尊號五冊文宣祖甲辰

一人有慶寶命維新兩極居尊徽音茂著音茂著舊
 本作稱宜

備式崇顯號用昭彝章恭惟配日為明體乾以順六
 服正位允屬再造之期四方作孚密贊萬化之本陰
 功已協於太始母儀聿符於思齊聿符於思齊舊本
 作遠邇於古初

綏禮既陳輿頌愈播臣等不勝大願謹奉冊寶上尊

跽曰昭聖伏惟光膺不世之舊本無不盛典誕揚對

天之舊本無對洪休益闡舊本有京內治永享舊本

雅之三景福兵曹參判

仁穆王后上王大妃尊跽玉冊文 光海庚戌

事毋如事父報德無階有實必有名進跽宜顯茲用

辰告爾其明聽恭惟周之太任宋惟聖烈當受命既

固之際誕膺徽稱逮終天罔極之中益篤秉禮由贊

化於南面寔垂範於東朝顧惟歸美之誠合申尊親

之義謹上尊跽曰貞懿綉儀雖竣於異日曠典盍舉

於今時自孝行仁所冀永錫爾類由內達外庶致無

疆惟休 大提學 柳根製

又此出於吳億齡文集而上文不載實錄未知其必為正本故姑並附載

尊親之道以顯揚為先薦跽之儀於冊寶乃備爰舉

大禮曰愜群心恭惟齊莊靜專澍慎恭儉畫協贊於

寧考丕闡徽音隆保佑於眇躬懋垂慈訓化已被於

宮壺功亦存於邦家式至今休莫非厚德雖富有一

國而養曷足酬恩惟崇加二字之稱庶可載美顧方

在於榮疚猶久闕其誦文即吉云初展慶敢後謹上

尊跽曰云云伏惟誕膺令典昭賁鴻圖有是實有是

名亘百世而焜耀得其祿得其壽於萬年而熾昌 漢城

先尹吳
億齡製

仁穆王后加上尊號玉冊文 仁祖甲子

小子承祧幸彛倫之復叙太母正位宜寶冊之加崇
茲舉新儀實遵舊典恭惟心存淵靜德備柔嘉南面
垂衣夙贊虞舜之至化東朝貽範聿追摯任之徽音
歷十載屯難之餘開一時泰亨之運含飴長樂久隔
怡悅之顏定策深宮允贊擁佑之績迄休於宗祏
重表式於慈闈上官賢明華昌邑之昏亂高后聖烈
致元祐之治平知不足於誦言願可已於稱羨爰揭
一本顯號克愜群情臣鞫不勝大願謹奉冊寶加上

尊號曰明烈伏惟增衍洪圖誕受景命奎書玉檢亘

百世而先華日升月恒膺萬年之壽祉 弘文提學
李粹光製

元宗大王追崇上尊號玉冊文 仁祖壬申

德既盛於裕後寔藉積累之基孝莫大於尊親敢闕
揄揚之典綈儀斯舉微忱獲伸恭惟淵度宏深懿質
純粹仁推愷悌體天地生育之元誠篤忠勤奉君父
艱危之際勲庸紀於鍾鼎法則著於家庭宜克享於
尊榮竟無徵於壽祿貽謏末續統宗罔承未沫之
前徽懼忝負荷念靡逮於至養慕切羹牆不有名實
之加隆曷致情文之交盡顯仁藏用之妙孰得以形

容德厚流光之休自驗於悠久茲陳備物式率藝章

舊本有臣諱不勝大願六字謹遣臣某官某奉冊寶上尊誦曰敬

德仁憲靖穆章孝尚冀明靈誕垂昭格陟降帝左右

永膺徽美之稱啓佑我子孫益贊靈長之祚

仁獻王后追崇上尊誦玉冊文

仁祖壬申禮必先於正名既講叙倫之典孝莫大於追遠爰修

曠世之儀事豈間於幽明情實切於悲喜恭惟滄山

令德京室徽音服懿訓於名家咸稱壺摸之正徵異

夢於寶壘早識天命攸歸念茲否運之重恢罔非神

謀之密授晨昏長樂恒存愛日之誠霜露原陵遽結

新豐君張維製

終天之慕誰無父母心獨歎於顯揚厥有彝章序難

紊於祖禰考往牒之遺制參本朝之舊章鋪陳配地

之宏休歌頌生民之盛業儀式備日月其良謹遣

臣某官某奉冊寶上尊誦曰敬懿貞靖冀鑑徽衷丕

膺殊躋繩金檢玉垂景鑠於千秋復廟重檐饗精經

於百代

莊烈王后上王大妃尊誦玉冊文

孝宗辛卯匪母靡依欲報之而罔極尊親為大願名焉而無能

肆殫微誠庸舉殷典恭惟夙稟懿質茂著徽音同先

朝誦月之辰俛天作合逮中壺虛位之日履坤居尊

惟慈仁恭儉之克全與塗莘任姒而此美協贊一紀
終徽戒而如初哀慕三年幸神明之有相仍念眇末
寔荷保綏視膳問安曷足以展愛敬崇踊象德庶幾
其備情文非臣子敢得以私即古今攸行之制臣謹
不勝大願謹奉冊寶上尊誦曰慈懿伏惟誕膺景命
俯受顯稱聖善之風永垂於不朽壽福之盛並底於

無疆大司成
黃宋製

莊烈王后上大王大妃尊誦五冊文顯宗辛丑

人紀莫先崇孝方殫報本之誠聖德宜加顯名詎緩
進冊之舉肆揚殷禮庸陳絳儀恭惟泝質柔嘉天資

淵靜篤生世罔丕膺沙麓之祥夙正坤元允協開雖
之詠逮勛華之繼陟尚任姒之尊臨南國風謠曾播
葛覃之化東朝慈訓式昭燕翼之謀懿範既彰於家
邦善頌斯遍於中外致一國之隆養顧不之於奉親
增二字之休稱庶可盡於歸美茲實祖宗之成憲非
徒臣子之至情臣謹不勝大願謹奉冊寶加上尊誦
曰恭慎伏惟茂衍洪圖誕受景命千秋萬歲絲壽祺
而無疆五檢金泥耀徽音以不朽禮曹參判
尹順之製
莊烈王后加上尊誦五冊文肅宗丙辰
尊母儀於三朝慈訓夙著攷彙章於百代顯誦宜崇

載敬徽音式煇寶冊恭惟度合彤管祥徵玉衣脫簪
周闡盡規歲於聖祖含飴漢殿隆撫養於眇躬每痛
勛華之繼昇猶幸任姒之祇奉而陰教不替於先後
蓋懿範益彰於終始德莫盛焉祉既施於受帝禮則
然矣孝孰大於顯親願緣榮夜之哀尚稽薦稱之舉
星移歲改奄屆即吉之期日盡天摹適闡加美之典
臣御不勝大願謹奉冊寶加上尊誦曰徽猷伏惟長
秋如昔景命維新有是實有是名備情文而罔缺得
其祿得其壽保子孫於無疆

大提學
閑無製
肅宗丙寅

莊烈王后加上尊誦玉冊文

禮初訖於進壽既殫情文孝莫大於尊親宜舉盛典
茲循群請敢薦懿稱恭惟道符黃裳儉昭大練幽贊
烈祖鴻業克叶柔嘉翼成聖子神孫仍及眇末惟其
有在中之至美是以享無疆之純禧三朝致隆爰極
備物之養百靈降福寧待善禱之辭屬近歲之萃憂
彌予懷之仰戴豐呈久曠幸逢今辰寶筮方延適經
周甲慶固罕於前牒思欲盡於微誠雖曾累上於尊
名寔難少摹於盛德含弘光大乃坤元之體仁正直
平康亦皇極之錫福焉能擬議式表揄揚臣御不勝
大願謹奉冊寶加上尊誦曰康仁伏惟丕膺綏儀益

闡瑤籙漢殿含飴之樂永保千齡周家嗣徽之休遠

被百代

大提學李敏叙製

孝宗大王追上尊號玉冊文

英宗庚申

彛倫丕叙盛業當一治之期典冊加隆鴻跡闡無競
之烈物采增煇忱誠庶伸恭惟行高百王志回三代
困衡拂亂道合姬文之明夷精一危微心傳皇考之
懿法天既降以大任聖實啓於殷憂函夏沉淪賸稂
莠而興慨冠履顛倒撫玉帛而增傷卓矣匡復之英
圖固非成敗之逆覩魚水托契洋洋巖穴之賢羽林
字孤翼翼熊虎之旅敷文奮武自有正大之規治法

征謨一洗功利之陋嚴恭寅畏罔敢弛勞蹈厲發揚
恐不逮事雖日暮途遠而遺至痛幸天綱地紀之賴
無隳偏荒外藩獨守尊王攘夷之節愚婦蚩庶皆存
忍耻含冤之心箕封之禮義彌光麟筆之經法斯著
豈徒啓佑我後嗣允宜表式於萬邦百世不祧既隆
太室之肆祀壹惠為謚猶懼宏業之未章斯舊典之
有稽合尊名之追揭明天理於既晦純然事制之合
宜正人心於將淪沛乎行道而有得懿德立民生之
極大義並日星之輝聖志昭彰固神祇之可質休烈
巍蕩詎摹繪之能形禮是將於湯孫典刑匪遠功不

在於禹下樂利無窮吉日于差綈儀斯備謹遣臣某
官某奉冊寶加上尊號曰明義正德仰冀冲鑑俯格
徽誠丕顯丕承揚取光而無射俾昌俾熾申福祉而

彌遐 大提學
吳瑗製

仁宣王后上王大妃尊號玉冊文

顯宗辛丑

遵嘉訓於太妣載煊徽音進休稱於聖慈爰舉綈典
尊之至也禮則當然恭惟道合柔貞姿凝淑哲名門
毓慶夙膺仁祖之妙掄中壺含章實贊寧考之玄德
適值屯否之運備嘗播越之艱處困如亨咸仰令譽
之無替承乾以順益見陰功之有隆丕闡內治者十

年遠播國風於八域逮大喪攀擗之日賴神明而扶
持自小子續嗣以來勤教誨而保佑喬山霜露奄驚
歲月之遷長樂晨昏尚幸溫清之奉芳猷縱難於摹
畫孝思深切於顯揚臣諱不勝大願謹奉冊寶上尊
號曰孝肅伏惟寶筮添齡彤管增耀陳儀物於北闕
庶展愛敬之誠正位號於東朝永享怡愉之樂 大提
學李

一相

顯宗大王追上尊號玉冊文

英与壬辰

巍乎惟則久仰對天之宏休煊焉有章庸進繪日之
嘉號爰舉綈禮聊展菲忱恭惟寬洪凝厚之姿聰睿

溫恭之性自藩返國孺慕遇珍味而思親臨苑觀耕
王政重農功而法祖風泉之遺志克紹事光列朝陵
廟之曠典載行慶邇來世是以洪基益鞏允矣寶籙
丕昌堯勛舜華蓋自精一相授文謨武烈實啓億萬
斯年承先徽而治成聲教洋溢裕後昆而功闡德化
馨香嗟赫業惟休無疆故至善於戲不忘四方其訓
縱仰史牒之昭垂七廟可觀允合世室之崇報念覺
祀之浸遠表揚之素願彌深歲齒學之重回感慕之
微衷且切迺据舊典式薦寶章蓋盛績固難具陳伊
懿稱先舉大體休光流永亶由發祥之源大德含洪

肆致觀成之業揭八字形容之美仰體寧考之孝思
闡三宗血脉之傳益愴太母之溫諭寔靡缺於儀物
庶少伸其忱誠謹遣臣某官某謹奉冊寶追上尊號
曰昭休衍慶敦德綏成伏惟俯垂鑑臨誕膺隆賁陟
降帝左右綏以福而俾熾俾昌啓佑我子孫貽厥護
而善繼善述金陽澤製
官大提學
明聖王后上王大妃尊號玉冊文肅宗丙辰
生我鞠我既殫報德之誠至親維親宜致歸尊之道
肆陳顯冊用伸徽衷恭惟飭躬幽閒存心澍慎並基
周之任姒作嬪虞之皇英徽音載揚夙符續女之詠

嘉訓是式永貽翼子之謀方形管之騰譽遽烏弓之
遺慟藐以弱齒祇承慈顏七日之夢繞回驚喜罔極
三年之制奄園愴夜深茲當變除之餘敢緩隆美
之舉周雅贊大邦有子不顯其光宋朝稱聖后如堯
維烈無競爰稽禮典兼採詩章臣譚不勝大願謹奉
冊寶上尊誦曰顯烈伏惟勉抑撝謙俯膺崇賁遐嘏
景福襲母氣以同流厚載悠齡儼坤元而罔墜

兵曹判書

金錫
胃製

明聖王后追上尊誦玉冊文

英宗壬辰

令聞無數久仰配聖之陰功顯誦載揚聿行光先之
盛禮蓋此舉寔由於追慕而曠典允協於群情恭惟
毓德名門作嬪王室漢錄肇沙麓之繇早膺神雀墮
玉之祥周詩頌爪跡之休果驗老仙抱童之畫贊王
化於修齋之本壺則采彰尊邦命於休恤之機毋儀
聿正徽音載彤管而難罄永慕匪青丘而無窮第惟
天序之迭遷竊懼坤範之寢遠瞻七世觀德之廟幾
嘆徽稱之未遑念當時毓慶之功詎緩前休之克闡
茲當文祖之加誦允合母妣之並尊純禧遠覃既胤
祚之永錫至仁上格宜世享之孔明雖儼日之光非
二字之能狀惟倪天之烈亘萬禩而足徵事若有待

於今禮則實稽於古謹遣臣某官某奉冊寶追上尊
誦曰禧仁伏惟俯鑑菲悃誕受寶章介景福於宗祧
俾昌俾熾昭義聞於竹帛丕顯丕承

奉朝賀南
有容製

肅宗大王上尊誦玉冊文

肅宗癸巳

命維新於舊邦允屬亨嘉之會名必得於大德宜揭
徽顯之稱寔循祖宗之懿章非出臣子之私悃恭惟
資挺天縱道隆日躋作之君師所重者民彝物則措
諸政教悉本於心得躬行既盡誠於奉先尤致勤於
正始修莊陵百年之曠典神人協和復坤宮六載之
缺儀日月增耀至若禁苑皇壇之設茲乃建醮藩服

所無邦域再造於壬辰恩侔父母志事深追於孝廟
義炳春秋雲馭杳茫不隔降歆之理文物淪喪詎忘
朝宗之誠所以風一世而激感於人心即可垂千禩
而有辭於天下斯皆帝王之盛節實為國家之休光
巍乎堯舜之治無過惇倫之至純然義理之正克盡
制事之宜雖聖德謙讓而不居顧群情揚厲之曷已
臣等不勝大願謹奉冊寶上尊誦曰顯義光倫睿聖
英烈伏惟勉答輿頌益闡洪圖直之直之罔萬品於
熙洽高也厚也配兩儀而悠長

判府事
李會製

肅宗大王追上尊誦玉冊文

英宗癸酉

親賢樂利之思沒世愈切慕天晝日之悃到今稍伸
曷既揄揚祇增怵惕恭惟聰明睿智之至剛健中正
之純篤藝倫而崇廟祧事光前聖闡大義而繼先志
業垂後人本之以敬天勤民既貞百度推之於尊賢
衛道用賁大猷心得躬行猗歟五十年出治澤洽功
盛求之千百代勳倫斯其基圖之益昌先矣啓佑之
咸正以昭受上帝謨烈丕彰於顯承式克至今休社
稷必賴其長遠嗟真遊條隔於三紀攀慕之至痛猶
新適衰齡又屆於六旬尊揚之微衷自信雖已膺顯
冊於昔歲尤宜致隆典於是年為事體之莫嚴迄未

之果以忱誠之所到克底于成蓋盛美有難具陳伊
微稱只舉大畧仁為衆善之長入人者深德乃一身
之充與天同大肆惟聖謨之垂裕將見泰運之無疆
環東土數千里群生得有今日繼西樓三百年故事
燕及皇天形容煇巍非敢希其髣髴率循儀典庶無
歉於情文中外之輿情胥欣前後之癸年豈偶謹遣
臣某官某奉冊寶加上尊踰曰裕謨永運洪仁峻德
伏惟俯鑑八字之懿益光七廟之觀陟降於昭熙菲
忱而無數滂瀟長在囿衆品而共休
弘文提學
徐宗極製
肅宗大王追上尊踰五冊文
英宗丙申

景命惟休無疆久仰垂裕之烈盛德於戲不忘重舉
致隆之章曷能揄揚祇伸哀悃恭惟誕膺千一際熙
運式著五十載至治惟敬天愛民之誠克遵家法亦
炳義篤倫之懿允叶皇猷大而敦化小而川流萬品
無不咸被本之典學驗之心得三王有之此侔蓋遺
澤入人者深故徽蹟沒世未泯垂青史而闡美燬乎
文章斯存拊朱紘而興嘆愀然德容如見攀慕彌篤
依依宵寐之潛孚陟降儼臨諄諄面命之孔邇祇承
錫類之嘉獎深切兢惶仰體貽謨之聖恩若為報答
願微忱無所自效惟大德必得其名非無疇昔之顯

稱尚餘盛美之可述克配上帝恢王道而蕩魏啓佑
後人綿慶祉而繁衍積累之洪基蓋鞏式至今休眷
悲之盛渥方隆其永有賴表揭功德敢曰摹畫之足
能舉循儀章庶或物采之靡缺前後之崇報屢舉中
外之群情胥欣謹遣臣某官某奉冊寶加上尊號曰
配天合道啓休篤慶伏惟俯鑑追慕之忱永垂保佑
之眷高也厚也配兩儀而悠長直之直之罔萬彙而

熙洽金陽澤製
官領府事

仁敬王后追上尊號玉冊文肅宗癸巳

贊重宸之著烈爰舉綏儀仰元妃之齊徽追薦嘉誦

藝典斯在取光益昭恭惟毓祥高門媿位初服懿範
 夙茂贊成肅穆之風陰功協裨賴致靈長之慶仙齡
 減而壺治莫究寶命新而聖德彌崇揚盛休進丕稱
 實遵故事儻至尊受顯冊茲有常規曷敢揭一本揚美
 而形容允宜並耀於巍煊群情胥悅殷禮式陳臣等
 不勝大願謹奉冊寶上尊號曰光烈伏惟庶垂明臨
 俯膺隆賁衍景福於宗祏萬年無疆永柔化於宮闈
 二南同則行判府事 徐宗泰製
 仁敬王后追上尊號玉冊文英宗癸酉
 殫微悃於揚先追舉緜典仰懿德於正內並進顯稱

彝章是循休光彌著恭惟以大賢後履元妃尊嗣京
 室之徽音柔嘉維則媿塗山之幽贊儆戒相成一念
 祇身藹和聲而遐布六載御位達陰化而永流茲當
 彌廟加號之辰尚憶癸年薦冊之禮前烈更闡况四
 紀之隔晨舊規式遵煊二字之繪日聖善周聞之實
 展也彰宣德義允執之誠本於深穆庶幾永垂於悠
 久敢曰能盡其揄揚情文罔愆朝野胥悅謹遣臣某
 官某奉冊寶加上尊號曰宣穆伏惟誕回明鑑俯格
 菲誠介景福於宗祏俾昌俾熾昭令範於竹帛丕顯
 丕承行副司直 尹汲製

仁敬王后追上尊號玉冊文 英宗丙申

惟天為大盛烈追揚於先朝與日齊光彝章並舉於
元配爰奉顯冊式薦徽稱恭惟毓祉名門作嬪京室
十亂同心之美邑姜乃其造端二南化俗之功閔睢
實為正始雖洪踰屢加賁飾而懿範未盡形容玄機
贊乾九之剛德合中正黃裳叶坤五之吉物歸含弘
稽金泥而是隆是崇昭玉度而載巍載燠謹奉冊寶
加上尊號曰惠聖伏惟光膺綈禮申錫純禧璿璣流
輝暨曆數而垂萬禩之久瑤圖凝瑞介本支而衍百
世之繁 弘文提學
徐命膺製

仁顯王后追上尊號玉冊文 肅宗癸巳

坤承乾而體順至德難忘月儷日而增輝遺烈宜闡
式崇懿躋用昭彝章恭惟性稟柔嘉姿凝淵靜膺慈
聖之妙選繼陟中宸獲元吉於艱貞再正內治陰教
穆宣於遐邇熙事協贊於宗祧齊明之誠蓋本於愉
婉深愛謹畏之念恒切於儆戒相成惟徽音不替始
終顧休稱寧間幽顯肆當綈禮之新舉庸申玉冊之
加隆臣等不勝大願謹奉冊寶上尊號曰孝敬伏惟
冀回澍靈俯賜歆允流芳彤史永垂百代之耿光衍
慶瑤圖尚賴二南之風化 大提學宋
相琦製

或

仁顯王后追上尊號五冊文

英宗癸酉

揚先烈於裕昆恭進顯冊追遺徽於配聖齊薦休稱
物采載陳情文允叶恭惟稟姿淵懿秉德和貞襲嘉
訓於內外法家六宮之頌夙播配令範於古先哲妃
二南之化均覃荷太母賢婦之褒肇舉見廟之禮承
寧考良佐之諭再正主壺之儀陰教永垂於宮闈協
禋貽後之烈仁間旁洽於區域賴致絲祚之休嗟小
子逮侍於昔年而徽音尚優於今日稚齡愉色幾被
撫頂之恩暮境感懷難諉在耳之訓瞻玄隧之同兆
孺慕倍切於羹牆仰彤管之齊徽慈範思闡於琬琰

泚為衆美之本毋妣之柔則可徵聖稱大德之名女
堯之遺烈深著茲稽彝典庸伸忱誠謹遣臣某官某
奉冊寶加上尊號曰泚暨伏惟誕垂明臨俯膺隆賁
有是名有是實並乾坤而無窮降之福降之祥衍本

支而彌遠

行副司直
南有容製

仁顯王后追上尊號五冊文

英宗丙申

闡烈考之休顯冊載燮揚文母之德丕稱齊崇式遵
彝章用薦懿誦恭惟飭躬端慎宅心柔貞壹位肇臨
清廟舉祇見之禮翟儀再正樛木基則百之祥協贊
靈圖誠已著於規戒敦修陰教德實秉於敬恭惟慈

化之方隆而小子之逮侍念予冲歲久承訓諭之恩
 迨茲暮年尚慕撫養之澤四紀開昇平之運宜聖謨
 之追揚百里宣肅雖之譽庶徽音之並聞克莊靡懈
 簪珥想齊明之光惟純罔德琬琰章塞淵之美爰稽
 縉典敬誦穀朝謹奉冊寶加上尊踰曰莊純伏惟冀
 回明靈俯膺崇貴珩佩申儆况裨翼子之令猷彤管
 流芳永垂續女之休烈

右虞客黃景源製

仁元王后上尊踰玉冊文 肅宗癸巳

基王化於宮闈協迓駿命頌母儀於琬琰對崇鴻名
 鉅典載陳徽猷斯稱恭惟位尊正內文貴在中存壹
 心於相成每傲齊詩之夙夜贊盛烈於遺義深得漢
 后之春秋邦運賴以克昌相範因之益著譬凱風之
 養物和澤入人體厚坤之承天柔德根性既兩極儼
 其休美故二字共此揄揚茲有祖宗之攸行宜副朝
 野之至望臣等不勝大願謹奉冊寶上尊踰曰惠順
 伏惟光膺顯冊佐闡弘圖教宣九嬪播彤史之炳煇
 慶衍百世翼寶祚之靈長

右參贊金鎮圭製

仁元王后上王大妃尊踰玉冊文 景宗壬寅

德實參於載物曷報厚恩孝莫大於尊親詠揚崇踰
 肆陳寶冊式舉彝章恭惟稟性粹和宅心莊靜襲慶

林慶川之令緒家法孔彰繼仁敬仁顯之徽猷壺儀
克正光贊內治者升稔協宣陰教於八埏屬寧王奄
棄群臣而小子惟依太母終天至痛閱三年而彌加
愛日深誠養一國而不乏雖先朝媿美已揭丕稱在
今我伸情合行隆典爰稽古式聿賁新缺臣諱不勝
大願謹奉冊寶加上尊踰曰慈敬伏惟勉副微忱益
膺繁祉慈天所覆罔萬品而同休厚地不審絲億齡
而永鞏趙泰德製
官左議政

仁元王后上大王大妃尊踰玉冊文

英宗丙午

黃裳元吉母儀尊於三朝寶冊顯揚坤化闡於二字

聿循彝典祗薦微忱恭惟沙麓徵祥長秋備禮德洽
主壺宣仁女之舜堯道協配乾太上民之父母輔嗣
王之初政冀待鸞司之垂簾奉聖考之遺音遂決禁
中之定策逮禍釁之祝降痛勛華之繼升恒眷眷而
撫予曲推懷中之戀方榮榮而在疚幸承膝下之歡
茲丁慨廓之辰益篤愛戴之悃事孰為大縱孝思切
於尊親人無能名固芳猷難於盡日適遵邦家之故
式少伸臣子之至情臣鞫不勝大願謹奉冊寶加上
尊踰曰獻烈伏惟彤管增輝瑤籥衍慶一邦為養詎
報顧復之恩萬壽無疆祈享怡愉之樂行判府事
李觀命製

仁元王后加上尊號玉冊文

英宗庚申

奉隆養於長秋夙資懿訓垂鴻名於寶冊聿闡令猷
 儀文罔愆物采增煥恭惟興周太妣佑宋宣仁憂國
 弘謨建大策而翬業翼子深念幹危機以底安倚歟
 四紀之尊臨允矣兆庶之咸戴揚徽象烈非敢弛於
 徽誠執謙含章奈莫回於慈意春暉漸晏恒抱愛日
 之情玉卮雖將詎盡祝罔之悃茲當年齋之新改正
 仰海籌之愈添肆庸詢訪於群工遂決表揭乎顯號
 先朝之故事有據式合遵承小子之宿願始諧曷任
 忻悅休光聖間久已孚洽於家邦善頌嘉謠益見流

播於中外爰舉緜典祇諏吉辰御不勝大願謹奉

冊寶加上尊號曰光宣伏惟俯循丕彝誕膺景命德

叶厚載並坤元以無疆慶溢繇區衍瑤籙於不沫領

事李宜顯製

仁元王后加上尊號玉冊文

英宗庚申

迨齋顙於盈庭祇奉懿訓薦徽誠於上冊並舉緜儀
 式昭彝章允叶輿頌恭惟祥徵沙麓德洽坤元默幹
 危機功實存於翼子重啓熙運喜又溢於美孫茲當
 勉循於群情亟宜加隆於聖母慈教仰體愧莫稱於
 揄揚古典斯稽幸自效於尊顯徽音已著於四紀眾

切小心曠禮荐膺於一年益光盛烈敢云形容於二
字庸表愛戴之才忱臣諱不勝大願謹奉冊寶加上
尊號曰顯翼伏惟茂闡洪圖誕受景命芳流彤史竚
壺範之永垂化覃青丘期邦錄之增衍右議政朱
寅明製
仁元王后加上尊號玉冊文 英宗丁卯
衍寶錄於回甲聿迓純禧揚瑤冊於令辰載循彝典
曷既論讚祇伸忱誠恭惟環并勛華盥饋詩禮始脫
簪之戒協皇考而十臣有婦人之才速補石之功翊
嗣子而兩朝仰文母之教危則勞厚坤轉幹之力居
則垂慶雲先履之恩以謙志之難回每懼養未盡禮

雖微稱之屢上尚恨德無能名四紀玄修百神靈既
遵儉節而合經壽之訓持慈寶而致永命之符八十
歲之為期初開七耄之筵九五福之嚮用已占一曰
之徵非盛儀何以答高穹之乃休非顯號何以彰大
德之必得近攷國乘惟莊烈之有攸行遠稽史編蓋
馬鄧之所未獲故三讓之縱切然群請之益堅臣諱
不勝大願謹奉冊寶加上尊號曰康聖伏惟俯諒微
悃勉膺善頌却獻觴之侈既四方咸戴於慈天推舍
飴之歡庶萬姓同躋於壽域行司直李
圭德製
仁元王后加上尊號玉冊文 英宗辛未

長樂宗尊履晚運而經福顯冊昭揭晉丕躡而闡休
 俯循群情勉膺藝典恭惟姿凝淵靜躬行儉勤陰化
 穆宣媿相範於聖詰大策親決真國勢於危疑倚歟
 盛烈之孔彰允矣景貺之滋至始小子獲奉於慈訓
 年甫垂髫而餘慶寔資於坤元孫已在膝斯皆護我
 之恩攸暨竊愧備物之養未殷屬者寶籙之緜齡倍
 切寸忱之愛日玉度愈泰既近七莖之稀翟儀久臨
 爰及百筮之半三朝歲月幾換瑞奠之暉五紀春秋
 適符神著之數考往乘而實罕聞覩非善頌則曷足
 揄揚以德以功雖誠禮少伸於重甲且喜且懼顧崇

貴尤急於茲辰不能追孝於先王常懷靡逮之痛今
 當致隆於太母庶盡欲報之心或恐謙志之難回乃
 幸徽懇之曲諒臣諱不勝大願謹奉冊寶加上尊號
 曰貞德伏惟聿迓繁祉誕撫洪基瑤璫金泥表鴻名
 而有煒嵩呼罔祝續駿命而無疆領敦寧趙顯命製
 仁元王后加上尊號玉冊文英宗壬申
 徽猷翼于暨八埏而戴仁崇號顯親加二字而揚德
 式循彝典用伸微誠恭惟沙麓膺祥簾帷享祿宣陰
 化於聖神之世如妣配周決丕策於危疑之時若高
 佑宗母儀久而詰範愈著國養備而儉德彌彰日三

承顏惟期訓戒之辭罔墜歲一稱壽每歎謙抑之志
難回璇闈之寶筮長延倍切慶祝瑤冊之尊名屢進
曷足稱揚逮涼德勉循群情伊微忱思闡懿烈義尊
正朔敢謂有光於先朝禮隆長秋只欲無憾於今日
俾寡躬不墜遺緒自知慈訓之是資願盛典必稽舊
章可見廷議之攸在縱云以臣顯主之義豈若為子
尊親之誠感半夜勤懇之書初志莫守誦萬年靈長
之福至願可諧惟德惟功非無金石之舊紀且喜且
懼寧緩天日之新摹顙慈聽而幸諒菲忱詆吉辰而
祇行綉禮臣紳不勝大願謹奉冊寶加上尊號曰壽

昌伏惟誕受丕躋茂膺純禧盛德有徵九五福曰康

曰壽休命無數八千歲為春為秋如中樞道觀彬製

仁元王后加上尊號玉冊文英宗癸酉

陰化丕闡享百福而垂庥顯冊載揚奉二字而揭美
曷云稱德祇幸伸忱恭惟以宗女堯為周母妣中闈
協贊四十年鴻烈彌彰長樂光臨億萬代燕謨斯裕
颺徽之典屢舉誠豈有窮備物之養雖隆禮若不足
茲當禰廟之加號允合慈極之儺休至德難名於慕
天敢謂萬一之彷彿微悃益篤於愛日惟喜九五之
康寧追寧考垂後人之圖倍切興感臚小子報先后

之意未忍執謙非曰于古有先所幸在今無憾永錫
難老遐壽協岡陵之詩申命無疆景福符川日之頌
盛舉又值於癸歲嘉稱爰倣於申年臣諱不勝大願
謹奉冊寶加上尊誦曰永福伏惟彤管增輝寶籙衍
慶慈天所覆罔庶品而咸熙厚地不審膺第祉而益

藝文提學
金尚星製

仁元王后加上尊誦玉冊文

英宗丙子

七表慈臨國牒之所未有二字崇賁興望之所難孤
敢謂揄揚祇伸衷悃恭惟邁漢明德媿周摯任贊寧
考而默成陰功實始壬午之履壺翼皇兄而夙闡慈

化益彰庚子之升尊若小子之無忝於寐興亦太母
之罔缺於啓佑隆庇自幼少之日至于有成盛烈著
艱危之時賴以克濟歷三朝而勤篤咸誦女堯嚮五
福而康寧允叶箕範協氣以之薰徹寶筮於焉靈長
今茲月正之元是為旬七之滿至情采切於喜懼曷
其有量縉典雖舉於後前恒若不乏事有重於再甲
詎緩加隆之儀誠獲徹於屢申幸回執謙之志茲乃
三百餘載始覩之慶庶慰億萬群生顯祝之情大德
難名非待字數之增入泰運方屆為敷惠化之邇隆
嗟不洎於昔年每存餘痛欲自效於今日豈有他途

儀文則稽舊章而罔踰物采則體至意而從簡欣
 昕庭之三祝洞洞瑤函之雙擊謹奉冊寶加上尊踰
 曰隆化伏惟鑑愛日之忱膺自天之吉迓純禧於難
 老如岡如陵佇餘慶於無窮俾昌俾熾

藝文提學
徐宗儀製

英宗丙申

仁元王后追上尊踰玉冊文
 王澤永世三得顯名坤德承乾並薦綈禮情文允叶
 聲光彌長恭惟殿虞皇英軼漢馬鄧贊寧考而宣摯
 木之化普騰南國之謠翼皇兄而奠磐石之基始隆
 東朝之養嗟寡昧偏荷慈渥蓋眷愛粵自冲齡奚但
 撫育恩深軫細節於衣食抑嘗保佑功大決丕策於

簾帷瑤牒屢擊敢曰揄揚之無憾雲馭寢邈每覺恍
 仰之如新屬禰廟禮舉加隆而聖母義同追闡廷顛
 閱歲雖諒尊主之誠孺慕終天采切顯親之願顧眇
 躬九袞之享亦賴寘庥惟世室數字之增曷稱盛德
 遵昔命而物采從儉消月正而邦籙延休長秋奉歡
 尚憶昭陽之進冊暮年托重深喜文孫之替觴少展
 不匱之孝思益昭難名之懿烈謹奉冊寶追上尊踰
 曰徽靖伏惟俯歆菲悃誕膺徽稱玉檢金泥播芳猷
 於善頌嘉醴純牡降第祿於明禋

副司直李
福源製

英宗丙午

贊五載之光臨咸仰懿範進二字之崇賁率循彝章
式表微忱庸陳顯冊恭惟性稟淵哲姿凝粹溫同先
朝誕彌之辰俛天作配繼元媿順承之治儼日為明
益知儉勤之規宜獲安貞之吉而嘉頌正騰於彤管
奈至痛遽纏於烏弓三霜奄過愴仙遊之已遠百神
共佑幸玉體之罔愆茲當殷制之甫終敢緩盛美之
昭揭周雅詠於純之德允協休稱漢相著克敬之譽
寔符惠問爰稽典憲聿修情文謹奉冊寶上尊誦曰
敬純伏惟勉回淵衷俯膺景命鴻圖鳳曆撫瓜瓞之
永繇玉檢金泥播芳蕤而愈久

左恭贊李
宜顯製

英宗大王上尊誦玉冊文

英宗庚申

聖化覃洽方撫亨泰之休義問宣昭聿進崇賁之誦
蓋彝章之是率豈盛德之能名恭惟明睿之資緝熙
于學涵育群品式推至仁至公之心寅畏上天罔弛
如臨如履之戒猗孝弟為施政之本故治教不出家
而成安寢膳而虔宗祗猶是常節通神明而動天地
斯謂盡倫知數寧考之徽猷善繼其志光闡景廟之
丕托則友于兄至若逆亂之剗平寔仰聖斷之揮廓
神筮預定鯨鯢咸伏於斧礮天威赫臨氛祲永清於
寰域扶倫綱而昭揭豈徒景命之靈長歷艱險而安

貞終賴實行之孝感大哉殷湯之德惟立愛立敬之
是先皇矣周室之隆在丕謨丕烈之克著休光可垂
於永世懿美允協於魏稱揚謙德而抑群情不自居
聖奉慈教而循舊典實惟順親揚厲莫殫顯戴彌切
臣等不勝大願謹奉冊寶上尊誦曰至行純德英謨
毅烈伏惟勉膺輿頌益恢宏規夕惕日乾配天運而
悠久風行草偃措世道於雍熙大提學
呂璣製
英宗大王加上尊誦五冊文 英宗壬申
寶命維新御泰運而圖理大義深著進貢誦而揭徽
寔循國家之令章匪出臣子之私悃恭惟心傳精一

家學春秋篤行克邁閔曾氏歸導率之化弘猷耻言
唐漢世躋邳隆之治曩歲揄揚顧摹畫之不盡衰齡
奮發尚事業之無窮粵寧考痛念神京而皇壇肇建
禁苑恩酬再造體列聖尊周之誠義表萬方作後嗣
貽燕之則肆以我后善述之德迺有二帝追享之儀
錫邦踰於開初之初夙荷太祖之至澤命王師於危
急之際敢忘毅宗之深仁萬折朝宗實有受於先訓
一體裡祀蓋不違於當時天運靡回世界寢入於長
夜宸衷曠感典禮備舉於百年固知益光前休是謂
有待今日風電倏閃况玉輅之降臨遽錮錯森儼清

廟之合饗允矣得義理之正永樹億代之聲本乎盡
孝悌之倫弘闡三綱之首咸仰亘古未聞之盛節更
觀自天申命之真休仁間素彰撫丕烈而增耀晚社
方茂膺景貺而愈隆顯踰亶合於加崇緝儀詎緩於
頌美執謙德而新許幾煩百僚之同辭奉慈教而勉
從誕繼四朝之舊典臣等不勝大願謹奉冊寶加上
尊踰曰章義弘倫光仁敦禧伏惟俯答輿望益懋宏
規靈籙縣昌配高穹而無極聖謨昭赫垂後世而罔

隳

藝文提學
李天輔製

英宗大王加上尊踰玉冊文

英宗丙子

舊邦維新命亨泰之運方開大德必得名崇賁之稱
復上祗伸忱悃曷旣形摹恭惟治慕勛華行篤曾閔
默運神筮掃邦亂於泥灘愼念京師秩皇裡於禁苑
孜孜終始敬天勤民之誠勉勉夙宵同寅協恭之美
而功德溯造而罕有故神明降福之孔皆宮闈太和
五紀奉長樂而盡孝祚曆彌遠萬幾付元良而無憂
洪惟三十載苦心必去二百年黨習蓋謂患得失之
念馴致亂逆之階肆以務消融之謨每寬懲別之典
至化並囿雖已保合於朝中凶孽罔後尚多糾結於
暗裏歲荐干紀之變國慄綴旒之危幸皇穹眷佑宗

文苑叢書 卷一
彷彿今年快除根柢集音自吐悉露蓄腹之陰圖象
刑亟施遂及漏網之大懲揭義理於長夜如日光明
踊昏蒙於正途若夢醒覺人心屬懲創之會滌舊染
而圖新天道有慘舒之權陶衆品而率化國論一而
淫朋自破君綱尊而寶命永經猗歟聖神之功能無
以加矣苟非皇極之表正焉得至斯千載昭垂既訖
編鑑而闡義百僚齊籲咸願進冊而揚徽執謙德而
牢辭輿情之鬱擎慈旨而勉許綍禮造行自天申休
率土交忭臣等不勝大願謹奉冊寶加上尊誦曰體
天建極聖功神化伏惟俯答嘉頌益恢宏規玉檢金

泥邁百王而增耀風行草偃措一世於時雍

領中樞
金在魯

英宗大王加上尊誦玉冊文

英宗壬辰

寶錄重衍猗歟泰階之已平玉冊載揚煥然賁誦之
加上禮雖循舊慶實維新恭惟乃聖乃文丕承丕顯
以千乘而躬曾閔之行教成家邦繼二后而得春秋
之傳功光史牒揄揚夙昔縱摹日星之光輝像想如
今未盡天地之高厚矧當鳳曆之屢紀益多鴻烈之
可書衛武勤九十之箴由切磋工夫乃得虞舜篤五
旬之慕自精一心法而來黜檐肇建於南州稽三代

文苑叢書卷一
而無愧璿譜永昭於史竢百世而有辭太和陶匄
圃朝廷於五福神功默運混門戶於一家乃知品物
之咸亨摠由天行之益健黃圖日月駐八千而為春
為秋玉樓寒炎躬萬幾而以朝以夕巍乎德業之崇
廣秩然功效之後先唐臣贊帝堯之文明式表齊治
之本詩人詠周王之壽考俾見髦乂之成名德紀功
豈徒一世之願仰辨體昭用將為百王之章程肆諸
臣常願鋪張而聖心久執謙抑乾道愈邈於下濟幾
多抱鬱之嘆縟儀將舉於先休幸值推孝之會是有
貳極之晉奏遂因一言而夙從蓋其顯揚之誠默契

聖德故以絜矩之意由副睿衷臣等不勝大願謹奉
冊寶加上尊誦曰大成廣運開泰基永伏惟俯受彝
章仰答繁祉得壽得名又得祿膺虞瑞於自天如岡
如川復如山迓周福於惟日
副司直徐命膺製
英宗大王加上尊誦玉冊文
英宗丙申

無疆惟休無疆惟恤猗歟寶籙之靈長必得其壽必
得其名煟然玉冊之崇貴曷稱景鑠祗循丕彝恭惟
以聖神姿承熙洽業烝我繼志而述事曰敬曰誠皇
矣因心而錫光盡倫盡性軫解懸而若恫瘝之在已
惕履薄而惟警省之存心煌煌鳳曆之屢編郁郁鴻

藻之昭鋪禮追周家之尊后稷南州之廟貌肇開義
績寧考之祭神宗北壇之享儀咸秩政教則鼓動乎
品物陶甄無私精誠則感通乎神明會歸有極懋一
德而昭倫化移被紋之風先四民而施仁恩均蠲布
之戶惟其年彌高而德彌邵是以功益顯而治益隆
符茅宮光四表之休通明為敬體之用薰薰殿齊七
政之化聖哲傳心法之要譬如玄機之運行爰得悠
久之妙政若黃輿之厚載遂成安謐之功懿光永耀
於百千顯踰宜贊於萬一日月繪畫未盡四八字掄
揚朝野詠歌莫回五十載謙抑紀功書實縱仰史牒

之昭垂闡徽加尊若為典章之申舉幸宸誠光揚於
先烈故綉儀曲副於徽袞宵寐潛孚實由陟降之景
貺天聽默感爰推顯崇之孝心薦琬琰於闕宮既畫
報本之禮頌圭璋於大雅更伸致隆之忱臣等不勝
大願謹奉冊寶加上尊踰曰堯明舜哲乾健坤寧伏
惟益恢宏規勉膺輿誦鴻休克配於前聖丕顯丕承
燕謨永詒於後昆俾昌俾熾

大提學李
徽之製

當于甲辰

英宗大王追上尊踰玉冊文
熙運丕膺盛德既篤於垂裕顯踰昭薦彝章聿修於
加隆祇伸忱誠曷既讚頌恭惟道符二帝德冠百王

文苑補遺卷一
四十一
體爾考濬哲之謨善繼善述受景廟付托之重丕顯
丕承慈極奉歡聖孝深篤於舜慕皇壇秩享宸誠常
拱於周京敬上天而誠小民化洽左海戡大亂而陶
一世治躋泰階為學則本諸精一緝熙發政則濟以
寬仁勤儉荷歟五十載洪烈允為千百代懿謨至德
蕩蕩侔天地之悠久厚澤滂瀉譬雨露之涵濡肆在
昔而丕治昭融式至今而洪業鞏固錫祚胤於流虹
之節克篤眷庥正儲嗣於御極之年實荷餘慶茲當
迓承於景貺益思揄揚於先徽百祿是道明命誕
於有赫萬世可繼大統永垂於無疆鳳曆靈長衍熙

洽於祚運鴻休申闡占昌熾於本支爰稽舊章且詢
廷議謹奉冊寶追上尊號曰配命垂統景曆洪休伏
惟仰冀聖鑑俯歆微忱保我子孫施冥佑而靡或在
帝左右配焯光而無窮

大提學吳
載純製

貞聖王后上尊號玉冊文

英宗庚申

揚徽稱而昭盛美祗率彝章毓陰德而儼至尊並陳
顯冊神祇之望既副遐邇之願克諧恭惟曾沙膺祥
代邸配德表正人倫之本惠洽六宮弼成王化之基
風行八域家人叶在中之吉樛木廣逮下之仁屬值
無疆之聖期屢控歸美之衆籲思盡揄揚之道必也

正名確守謙冲之心讓而不處幸茲鴻休之虔奉寔
由輿情之曲循念周德之馨香既資任姒之聖稽禹
功之巍煊亦賴塗山而興斯為二曜之齊明允合一
體而崇踰考本朝之舊典遵歷代之通規臣等不勝
大願謹奉冊寶上尊踰曰惠敬伏惟誕受丕稱益劭
令間柔嘉維則垂萬世而踰彰福履斯經共兩儀而
愈久大司憲李德壽製
貞聖王后加上尊踰玉冊文 英宗壬申
履坤之位載相弘圖儼乾之尊並稱彝典祇奉顯冊
庸昭嘉名恭惟加周九臣著唐十則紘統織畫復鷄

月儆戒之章春秋誦宵贊馬杖尊攘之義寶齡齊錫
於難老景福寔衍於無疆值椒闈重甲之回舉切并
日之祝當楓陞崇踰之顙思揚倪天之休聖志固持
於冲謙歷一旬而逾邈慈教勉承於懇惻聳百辟而
均懽惟兩曜增配德之光故二字共加尊之盛黃裳
叶吉陪東朝而迓禧彤管擗譽頌西樓而匹美庶副
中外之顙望遙追祖宗之舊章臣等不勝大願謹奉
冊寶加上尊踰曰莊慎伏惟芳烈丕彰懿範益著金
書玉檢爛絲裙之揚徽罔祈萬呼藹締服之敷化

景夏製

提學元

文苑補遺 卷一 玉冊文

四十五

貞聖王后加上尊號玉冊文 英宗丙子
儷乾元而綿禧齊迓泰運順坤道而贊化並闡賁稱
薦縟至三衍慶曠百恭惟周穆頌洽漢練儉昭夙佐
危艱之辰潛孚倪天之德爰相孝悌之治愈著愛日
之誠卅載陰教之協宣一心玄功之助穆宸壺之寶
齡踰甲剡奉慈筮之從心臺萊之遐福祝寅咸欣皇
穹之永命星宿瑞告三殿爛南極之輝履載涯流八
埏涯北斗之酌既柔化之克配故顯號之共尊臣等
不勝大願謹奉冊寶加上尊號曰康宣伏惟芳猷彌
章徽冊純受黃裳叶吉仰翟儀之煒煌彤管播譽佇

邦運之昌熾

知中桓元
景夏製

貞聖王后追上尊號玉冊文

英宗壬辰

頌太和之啓熙運聿昭顯休追至靜之配元尊齊薦
丕冊誕揚懿聞式循藝章恭惟行茂躋貞德崇柔慎
明陵晉見之禮每承歡顏祥宮節惠之儀常有感涕
神祇共監於順孝祉福申錫於康寧奉文母而致怡
愉之誠翟衣靡懈贊聖躬而流愷悌之澤珩珮罔愆
雖徽音之寢遐尚令猷之孔著五紀清謚緬鷄鳴之
遺箴六宮肅雖想葛覃之餘化肆當宸烈之加闡允
合壺則之并彰恭則持踳踳莊敬之容翼則存穆穆

深遠之慮遂增崇號用象耿光臣等不勝大願謹奉
冊寶加上尊號曰恭翼伏惟庶膺嘉名俯垂哲鑑金
泥玉檢載仁聞以有煒蘭篆范函播芳輝以無極

直黃景
源製

貞聖王后追上尊號玉冊文

英宗丙申

翟儀寢遠適追徽音玉牒載新重薦崇號曷敢摹日
實仰配天恭惟姿稟柔嘉行著孝敬荷昔年之眷愛
天笑每新於三朝贊重宸之憂勤陰功實藉於一亂
南國之摻葛騰頌永巷之簪珥申規海籌靈長陪聖
母而受爵潤藻蠲潔饗宗廟而衍禧雖德音永闕於

長秋伊餘化普洽於區夏金鏡歛彩俾塞淵之敢忘
彤管紀功尚揄揚之未盡迨茲宸烈之益闡幸觀壺
儀之並彰徽是衆美之歸正合一體加號仁為四德
之長爭仰二曜增明臣等不勝大願謹奉冊寶加上
尊號曰仁徽伏惟穆穆高臨洋洋如在懿範允邁於
前史奚但二字之昭垂休命載申於本支庶期百世
之緜遠

行司直趙
明鼎製

貞聖王后追上尊號玉冊文

當寧甲辰

揚先烈於繪日蕩乎難名追慈化於配乾煨焉並耀
遺徽光闡彝章比隆恭惟秉心塞淵飭躬貞澍簪珥

文苑補後

卷一

玉冊文

四十七

恒惕自藩邸而著輔佐之良紘統益勤尊壹極而率
嬪御之則三紀毋臨之德儷日光而齊明萬類于惠
之功體坤元而厚載嗟翟儀之寢遠仰彤史之采彰
漢殿承含飴之歡允矣燕謨之永裕周南布縈葛之
化於乎鴻名之昭垂回舊甲於堯曆之紀元是以有
申闡聖烈迓新命於震極之正位曷可無崇報洪休
追遠永懷事豈偶於是歲飾慶仰答禮宜舉於同時
對揚耿光崇賁嘉謠昭則著貞靜之譽敬讚含章之
芳猷獻則象獻哲之儀庸宣嗣徽之懿範顯冊游進
非不盡美於先朝清廟加隆更欲伸誠於今日謹奉

冊寶追上尊號曰昭獻伏惟臨下赫赫在上洋洋衍

慶瑤圖昌本支於百世增輝玉牒播芳蕤於萬年判府

事李徽之製

王大妃殿上尊號玉冊文 英宗壬辰

乾健不息德已昭於加隆坤厚無疆名始尊於並美
祗奉顯冊載颺芳猷恭惟鍾慶塗莘匹休馬鄧翟衣
覲廟徽度叶亞薦之儀蚕月陞壇曠典配九推之禮
自舟梁餘一紀所以簪珥叅十亂才如良臣之夙夜
靖恭贊八旬巍蕩之化如孝子之左右忠養致九五
康寧之禧風行二南藹宮闈之和氣運躋三代爛日

月之齊光輿忱久切於揄揚聖志莫回於冲挹惟盛
舉若待今日適宸衷有感昔年寶牒追攀永懷皇祖
之烈鴻名勉受竟循文孫之誠既合德於兩儀宜致
崇於一體雖彤管記言書動固令聞之已彰然黃裳
履正居尊貴嘉稱之並揭稽彛章而物采具美陳綉
禮而情文孔宜臣等不勝大願謹奉冊寶上尊誦曰
睿順伏惟懿範彌昭第祿滿至闕雖之始麟趾之亂
播正聲於八方南山之祝北斗之斟奉聖人於千載

大提學李
福源製

王大妃殿加上尊誦玉冊文

英宗丙申

乾坤同化靡不囿於生成日月並明詎有間於描畫
敬舉徽典荐揚芳猷恭惟稟姿端莊毓德貞順配至
德於周室再梁已十八年綱聖躬於堯齡箕疇曰九
五福允叶黃裳在中之美克贊丹宸登三之治理著
得名綉禮雖申於崇奉恩浹載物群心更切於加隆
矧茲神人協吉之休政屬聖王衍慶之會勻天發夢
皇靈之提命孔昭卿士與謀小子之忱誠何有仰惟
周武之謙抑每歸美於文王若言虞舜之光華宜作
對於媯汭雖天地莫能擬議而琬琰敢緩鋪張臣等
不勝大願謹奉冊寶加上尊誦曰聖哲伏惟俯循輿

情丕率藝憲葛覃播詠永遵服無斁之規奠葉抽新

益篤代有終之化鄭厚謙製
官參判

王大妃殿加上尊號五冊文當宁戊戌

三年之制纔過并紉太室二字之號崇奉賁隆東朝
允叶情文式遵典憲恭惟姿凝貞靜躬行儉勤繼元
妃坤育之仁克著戒濯龍之德佐先王乾惕之政恒
懋警鳴雞之誠頃當鶴禁之孤危偏荷翟緯之保佑
奸萌逆折運陰功於簾帷丕策贊成奠洪基於磐泰
嘉頌方騰於友瑟至慟遽經於遺弓祥禪已終喬陵
之歲月易邁神祇共護長樂之起居罔愆將舉殷廟

之威儀思闡周后之徽烈誠深愛日孝莫大於尊親

志切摹天禮彌隆於加號茲進新牒用循舊章謹奉

冊寶上尊號曰莊僖伏惟寶籙膺休彤管增耀養一

國而不差垂懿範於玉鏤金劉綏萬年而無疆介景

福於竹苞松茂洪國榮製
官都承旨

王大妃殿加上尊號五冊文當宁癸卯

享隆養而光臨聿迓純嘏闡令猷而崇賁式揭藝章

寶冊揚徽彤史增煌恭惟睿順聖哲莊僖王大妃殿

下化洽締服頌騰練裙佐聖祖五紀之治恒勉簪珥

之警繼元妃二南之德益懋絃統之勳時則須厚坤

之轉旋陰功贊鞏業之策春以噓慶雲之光覆寡躬
荷止慈之仁逮當簾帷之彌尊每思琬琰之加進承
隆歡於長樂顧何以報得春暉仰懿範於滄山猶未
盡畫出天日國養縱備曷云顯親謙德愈堅尚稽歸
美茲因景貺之荐至爰定鉅典之式遵英廟尊而成
世室之儀詎無齊崇之舉神孫降而固邦國之本宜
有光闡之休同慈宮而加隆孝之至也率舊章而進
踰禮不然乎猗歟二字之揄揚俾也百世之表揭惠
為一德之用囿萬物而含恩徽乃眾美之歸率六宮
而播譽遂舉縉儀庸仲菲誠謹奉冊寶加上尊踰曰

惠徽伏惟光增金書慶衍寶錄膺純禧之申錫誕撫
含飴之歡願聖體之彌康永享添籌之壽

判中樞李
徽之製

王大妃殿加上尊踰玉冊文

當宁甲辰

舉元良封冊之禮熙運方啓於我家值先王登極之
年丕踰並進於太母誠展慶日命申自天恭惟武有
臣姜宗曰女舜佐寧考至治而陰功不出乎壺闈嗣
仁元徽音俾國勢自措於磐泰荷慈聖克贊先旨肆
小子式至今休千乘之養雖隆曷以報昊天之恩二
字之踰游上猶未盡日月之光茲當甲歲之重迴更
覩高暉之繼照神功菟蕩於五紀化肇踐阼之初辰

仁聲洋溢於二南慶流主器之丕子德配天地固合
齊薦徽稱功在宗祊詎緩申闡懿範嗟翊護儲嗣之
策翼然深思雖歷數后妃之賢烈維無競爰採廷議
式遵彝章謹奉冊寶加上尊號曰翼烈伏惟勉抑搆
謙俯膺崇賁遐齡享祉永期八千歲春秋大德得名
昭垂億萬代竹帛揚州牧使
金鍾秀製
王大妃殿加上尊號玉冊文 當寧丁未
天時屬轉危之機休運方屆東朝奉炳幾之教顯號
加隆敢曰揄揚祇伸忱悃恭惟睿順聖哲莊禧惠徽
翼烈王大妃殿下配寧考德嗣仁元徽當中壺內助

之辰功則存於宗國逮長樂尊臨以後令不出於簾
闈嗟國勢迫燃眉之危迺慈札有敷心之諭亂逆非
朝夕之故將相挾近宗圖克義理媿春秋之書臣僚
若醉夢得醒際乙年艱險之會幾殫翼儲嗣之勞故
丙夜懇惻之音寔出體先朝之意既王章之畧施仰
慈功之愈尊洞賊情於幾先燭照龜卜真國步於造
次磐石泰山大德難名於如天非待一二字摹狀微
誠自切於愛日莫過億兆民願望臨照靡遺可但漢
明德專美譽聞普播允宜宋宣仁齊名謹循輿情式
舉彝典謹奉玉冊加上尊號曰明宣伏惟勉抑謙德

文苑補遺卷一
俯膺徽稱名實相符暎玉牒於窮宙眷命彌固絲寶
錄於千秋

大提學金
鍾秀製

文苑補遺卷之一

文苑補遺卷之二目錄

玉冊文二 坤殿冊封

定安王后封德妃玉冊文

元敬王后封靜妃玉冊文

昭憲王后封恭妃玉冊文

昭憲王后封王妃玉冊文

顯德王后追封王妃玉冊文

定順王后封王妃玉冊文

貞熹王后封王妃玉冊文

安順王后封王妃玉冊文

恭惠王后封王妃玉册文

廢妃尹氏玉册文

貞顯王后封王妃玉册文

章敬王后封王妃玉册文

文定王后封王妃玉册文

仁穆王后封王妃玉册文

仁烈王后封王妃玉册文

莊烈王后封王妃玉册文

仁宣王后封王妃玉册文

明聖王后封王妃玉册文

仁敬王后封王妃玉册文

仁顯王后封王妃玉册文

仁顯王后王妃復位玉册文

仁元王后封王妃玉册文

端懿王后追封王妃玉册文

宣懿王后封王妃玉册文

貞聖王后封王妃玉册文

王大妃殿封王妃玉册文

中宮殿封王妃玉册文

王化之基必始閨門之正宗紀之統實關配匹之尊
爰舉彝章載揚顯冊惟爾貞嬪閔氏幽閒貞靜誠一
端莊自結髮而同宇夙著宜家之德能決策而提甲
弼成定社之功茲獲紹於丕圖亦多資於內助肆不
忘糟糠之舊用以崇禴翟之儀於戲室家萬年式衍
昇平之祚本支百世永貽垂裕之謀

昭憲王后封恭妃玉冊文

太宗戊戌

王化之基實有資於內助人倫之至當極備於彝章
爰舉徽稱載揚顯冊惟爾沈氏端莊貞靜柔懿溫恭
念在憂勤常進儆戒之道心存恪慎曾無宴安之情

宜儼德於咸恒可並美於風雅肆當莅政之始俾嚴
緝禮之加蓋迓嘉祥永膺大慶協敷陰教貽燕謨於
萬年克正坤儀播鴻休於百世

昭憲王后封王妃玉冊文

世宗壬子

人倫之重必嚴配匹之尊王道之行當始閨門之正
載稽古典爰舉彝章沈氏稟德柔嘉宅心淵靜恭勤
自飭允孝宮壺之儀儆戒相成克篤邦家之慶既黃
裳之協吉宜玉牒之揚輝茲知內助之規庸錫中闈
之誦於戲螽斯繼美俾昌本支之繁樛木推仁永綏
福履之盛

顯德王后追封王妃玉冊文 文宗庚午

重配區而尊嫡實亘古今之位踰以正名矣間存沒
肆稽彝典庸舉彌文咨爾顯德嬪權氏性稟端莊心
操淵懿惟爾作媿方予在儲思媚兩宮聿修閨壺之
職乃誕元子克篤邦家之禧何大限之俄窮而良佐
之遽失於戲備短之數難追封崇之禮當嚴鴻儀增
輝既浚揚於玉牒燕謀益永庶密贊於瑤圖

定順王后封王妃玉冊文 端宗甲戌

乾坤合德生成萬物王者法天必立元妃所以奉宗
統而基風化也予以冲末嗣守丕基敬戒相成當資

內助是用博採茂族苟求懿德咨爾宋氏性稟溫柔
德著幽閒固宜正位中壺毋臨一國於戲合體同歡
以承宗廟闡睢之化螽斯之慶皆自今日始可不慎
歟

貞嘉王后封王妃玉冊文 世祖乙亥

天地定位萬物以生君后合德萬化乃成立元妃所
以佐內治宣陰教也咨爾尹氏名家世族令德來嬪
以勤以儉率禮不愆自予潜邸之初式至今休孝順
之蹟國人所知宜正位踰以表儀中壺噫上承宗廟
下原風化其履中體順永惟終始共享我國家用保

我子孫敬之哉

安順王后封王妃玉冊文

睿宗戊子

坤承乾於下以成覆載之功后正位於內以基風化之源其道一也咨爾韓氏名門淑媛冝家令德予在春宮妙選來嬪儆戒相成維德之行贊我三韓承歡兩宮載誕元良以篤我邦家之慶逮予嗣位雖已封妃未遑授冊之禮非所以視母儀於一國也於戲惟克敬可以承宗廟之重惟積德可以致本支之隆思嗣徽音益勤陰教暨予一人共享無疆之福

製

李承召

恭惠王后封王妃玉冊文

成宗辛卯

乾與坤而合德萬物資生后立配而刑家一國興化茲循成憲用伸寵章咨爾韓氏積善名門元勳茂族勤儉之德夙著柔靜之性天成自在潜邸之時已為嘉耦逮踐丕祚之日益贊洪猷宜加顯冊之封以正中壺之位於戲仁敦麟趾闡風化於二南慶衍螽斯昌本支於百世

廢妃尹氏玉冊文

成宗丙申

乾元生物必待坤順之承王者御邦實賴陰教之助肆循成憲用舉徽稱惟爾尹氏稟性柔嘉宅心淵靜

文苑補遺 卷二
四一
鷄鳴警戒允邁齊妃之賢尊卑儉勤遠追周妣之德
眷既隆於慈極望亦協於母儀宜加寵章以正位躋
於戲繆木恩逮基風化於二南瓜瓞慶綿固本支於
百世

貞顯王后封王妃玉冊文 成宗庚子

建極立民非獨資於外輔齊家治國亦必賴於中闡
茲率舊章載揚顯冊惟爾尹氏齊莊貞靜微柔懿恭
膺妙選於後宮播令聞於內壺媚于三殿可嗣太任
之徽音輔予一人庶幾塗山之至德允副宮庭之望
光增綸翟之儀於戲葛之覃兮勉率勤儉之俗雞既

鳴矣佇聞歲警之言

章敬王后封王妃玉冊文 中宗丁卯

古先哲王之理國也未有不選立賢妃所以重人倫
之本基百福之原也粵予眇末嗣守大寶念惟負荷
之重必賴內治之助中闡不可久曠匹耦宜極妙選
思得賢淑共承宗廟寤寐求之將一年于茲咨爾尹
氏生於名族夙有令聞選入宮禁德冠椒掖可正位
彌母儀一國茲承懿旨冊為王妃於戲后妃之於君
也猶坤之於乾月之於日也配乾稱大助日為明非
柔順貞正之至何以能此其祗服寵命克廣壺化著

虞嬪之至德嗣周母之徽音以丕衍無疆之慶副提學李

世仁製

文定王后封王妃玉冊文 中宗丁丑

乾剛之大亦資坤元王化之基必由內治義易因之垂訓國風所以著稱矧在寡躬尤切良佐咨爾尹氏毓慶名族秉心義方肅雍之儀不煩姆教幽閒之性本自天成寔膺寤寐之求足慰家邦之望茲舉盛禮俾正中闡大司成李岩製仁穆王后封王妃玉冊文 宣祖壬寅坤承乾於下致覆載之功后正位乎中基風化之本

歷究古昔之至治咸由內外之相成肆在寡躬益須賢佐咨爾金氏系出名閥德協冝家婉睦惠慈雅應柔則幽閒貞靜蔚有嘉聲合膺兩極之尊庸啓百福之始載蠲吉日爰舉緼儀於戲惟孝敬可以奉宗廟而無虧惟恭儉可以處富貴而無失勉宣陰教勿替徽音翟第魚軒式瞻母儀之盛葛覃樛木佇俟國風之休藝文提學申欽製仁烈王后封王妃玉冊文 仁祖癸亥乾元肇始功必資於順成坤道含章德即配乎剛健欲基風化之本尤兢夫婦之端屬茲鼎革之初式舉

顯冊之典咨爾韓氏篤生名族受簡先王率禮飭躬
既盡誠敬之實用貞當壹蒞有恭儉之稱克裕內治
丕贊弘績榮辱與共辛勤多歷於歲年艱難備嘗儆
戒恒存於夙夜宜正儻極之位俾享倪天之尊於戲
惟孝謹可以奉宗廟而無虧惟澍慎可以處富貴而
無失欽服寵命益勉輔佐之心昭嗣徽音同保延洪
之福

兵曹判書
李景憲製

莊烈王后封王妃玉冊文 仁祖丙寅

詩首闕睢正始之義大禮重禕翟建配之典隆蓋與
之共承宗祧亦所以丕闡王化載稽舊則式備新儀

咨爾趙氏芳訓家傳玉度天賦循環珮之響夙著和
聲應沙麓之徵允合法相龜詠既叶象服攸宜壹闡
不可久虛相臣從而申請未堪多難不違宮室之安
敢廢大倫爰取幽閒之德肆洎季冬之吉乃正長秋
之尊於戲敬謹然後爾宸嚴恭儉可以守富貴勉宣
陰教克贊陽明邦稱小君繼塗山之翼夏予有十亂
追妣氏之興周 大提學李
景奭製

仁宣王后封王妃玉冊文 孝宗辛卯

理國先家所以叙人倫之本臨軒冊后所以明王化
之基蓋婦德之良由內而及外 缺 坤元之象體乾而

居中典常是稽今古攸重咨爾王妃張氏篤生名閼
簡配寡躬奉訓誠於聖母克嗣柔嘉淹歲月於殊方
共嘗艱苦遂進位於甲觀仍儂尊於椒闈風恢二南
誕播闡睢之詠慶叶一索茂迓長發之祥肆當即吉
之辰庸貢正始之命魚軒翟第做禮經而昭哀玉檢
奎書遵憲章而備物於戲以恪謹祇承宗祏以儉約
表式宮庭益闡徽音無替修齊之助勉宣陰教庶延
昌熾之期

藝文提學
尹順之製

明聖王后封王妃玉冊文

顯宗辛丑

羲易之著坤象用配乾元周詩之首閼睢寔基風化

所以帝王之致治必由夫婦而造端念予冲人幸有
良佐咨爾王妃金氏祥徵沙麓慶毓名門澍慎柔嘉
之儀動合女則幽閒貞靜之德亶自天成久相寡躬
於儲闈允協寧考之睿簡逮中壺之正位愈殫裨贊
之誠侍東朝以承顏克諧怡愉之樂願茲冊號之典
蓋待即吉之期三年既終曷任繼序之感百福攸始
宜膺儷極之尊於戲惟孝謹以奉宗經惟禮法以率
嬪御鷄鳴獻戒毋替敬畏之一心麟趾衍休永繇本
支於百世祇服寵命丕闡徽音

史曹泰判
金壽恒製

仁敬王后封王妃玉冊文

肅宗丙辰

文苑補遺卷二
王儆有家建妃之義尚矣坤厚載物配乾之象著焉
所以閔睢為風化之基邑姜居亂臣之一肆蠲吉日
爰舉緝儀咨爾王妃金氏詩禮名家幽閒淑質絕芬
華之習蓋其性成循環珮之聲不煩姆教聿膺先朝
之睿簡早相寡人於儲宮逮三年之居憂益虔蘋藻
奉兩殿而殫孝匪懈清溫茲當釋服之辰庸闡宣冊
之命餘哀未盡繼序之禮何安舊典斯循正始之道
亦重龜章翟第備文物而增輝玉檢金泥載令規而
播美於戲惟節儉寔興化之本惟驕奢即敗道之階
雞鳴進箴庶臻政治之裨益麟趾衍慶佇者本支之

蕃昌勿替任姒之徽音永承宗祧之休烈

知中樞洪
宇遠製

仁顯王后封王妃五冊文

肅宗辛酉

王者奉神靈之統必資內助之賢聖人重風化之原
尤謹大婚之禮所以肅將於宗事亦賴輔成於治功
屬值國勢之多虞寧使壺職之暫曠祇承慈旨幾切
寤寐之求廣詢輿言幸得柔嘉之吉肆循舊制式舉
緝儀咨爾閔氏期應玄符慶衍華胄幽閒貞靜之操
離絕等倫溫惠淑慎之姿動遵規範不待鳳凰之佳
絲已叶睢鳩之好逑蓋觀自昔廢興之由恒因茲出
歷選當今名德之族咸曰是宜合膺翬綸之華庸正

黃裳之位布典冊而情文乃備崇物采而象服斯煌
於戲非孝敬無以訓家邦非恭儉無以守富貴鷄鳴
而申儆戒克嗣徽音鵲巢之播聲詩丕宣陰教尚匹
美於姬胤期贊理於坤元毋替令猷永綏寵命

大提學李敬叙

仁顯王后王妃復位玉冊文

肅宗甲戌

惟辟興化必本修齊惟聖盡倫尤重媿耦予實有感
於斯義今宜亟尋於舊章既復尊名載舉綺禮咨爾
王妃閔氏毓慶沙麓陞華桂闈密勿嘉謨幾多脫簪
之戒雍容懿度不愆鳴佩之聲事兩殿而祗承歡顏

御六宮而均覃惠澤頃從屏退以後克持謹畏之心
睽阻彌年雖自疏於良佐寤寐一念豈終忘於德音
爰備典衛之儀遂登坤極之位明吾過於既往十行
斯頌儼毋臨之如初萬品乃正若環斯轉喜不遠而
來歸庸玉于成知有資於增益天意人情之可見象
服寶命之維新於戲惟勤儉所以訓家邦惟謙慎所
以保寵祿重闡陰教佇聞二南之風申贊靈圖永垂
萬代之範勿替任姒之徽烈蓋繼宗社之洪休

弘文提學

朴泰

尚製

仁元王后封王妃玉冊文

肅宗壬午

大苑補發

卷二 玉冊文

十一

文苑備考 卷一
圓光遡日並二曜而貞明厚德承乾分兩儀而覆載
故國風之正始迺人道之造端毓祉儲祥玄符聿驗
尊名定位縉典載修咨爾金氏積慶華宗含章懿範
承尚書之舊訓早播徽音襲相國之遺芬采彰惠問
肆叶扞天之夢爰成迎渭之梁詢諸卿士則皆曰允
臧謀及筮龜則亦云其吉彝章式舉倣禮經而昭文
象服斯煌遵故實而備物德已孚於儂極陰教將資
化必本於齊家壹儀宜飭於戲惟勤儉可以率下惟
端莊可以莅尊惟內外相成家邦則泰惟終始不怠
福祿則豐撫愛元良如馬后之慈于漢嗣規歲夙夜

若姜妃之警于周王可使國人咸稱聖母

弘文提學
姜觀製

端懿王后追封王妃玉冊文

景宗壬寅

春軒夕閉闋芳塵於簾帷壹位新封鑄遺烈於琬琰
禮無間於幽顯情有兼於喜悲咨爾端懿王后沈氏
性稟溫柔心操謙約任奴之聖德代出沙麓毓祥馬
鄧之令名家傳門闈趾美粵自睿質之載誕爰有異
瑞之交騰晃朗天文光亘龍門之遠邇澄清月彩夢
覩鳳舞之高低婉順咸稱乎免懷之初孝謹益著乎
扇枕之日膺三選於弱歲奉六禮於吉辰龍樓侍傍
允獲歡心於二聖鶴禁成儂寔為良佐於眇躬不幸

疾疾之中嬰每恨喪制之少歎睹明寢而西望情深
痛傷憫溫駕之南巡誠切戀慕嗟純行之克篤胡寶
笙之弗綿歲月幾何驚五籥之條改昊天罔極慟三
年之甫終既失巨初之與更且違宗祧之共事收餘
淚於重璧予懷曷任正尊名於長秋邦禮庸舉銅龍
殘漏尚想朝暉之承禴翟新章宛遊夕月之出於戲
今修媿尊之彝典實多感舊於淵衷明德顯揚陰教
幽闡誕載彤管永垂徽于簡編密贊瑤圖庶衍慶於

邦國金一鏡製
官判書

宣懿王后封王妃玉冊文 景宗壬寅

坤元配乾四時順序月行儷日萬象仰明所以帝王
之御邦必先后妃之正位尊稱雖舊顯冊維新咨爾
王妃魚氏毓慶名門徵祥沙麓幽閒貞靜之德宜由
性成溫柔澍慎之姿不煩姆教聿膺寧考之睿簡遂
相寡躬於儲闈三年之喪與更罔愆于禮中月之制
奄園未忘餘哀然葬章不可久稽故綍儀爰命亟舉
於戲惟誠敬可以奉宗廟惟謙挹可以處崇高歡顏
祇承於東朝益彈愉婉之深愛治化遠被於南國丕
闡輔贊之陰功長秋儼母臨之儀臣民咸戴貳極盡
子育之道慈孝並隆母替徽音永緜洪祚 柳鳳輝製
官左議政

貞聖王后封王妃玉冊文 英宗丙午
四星配天極之尊玄象不忒六駟備椒塗之飾綉禮
斯隆蓋風化實重於造端故典章庸昭乎正始咨爾
王妃徐氏寧考攸簡德音無違盟饋是將始來歸於
宗邸珩珮相儔與周旋於儲闈藹乎陰化之潛孚久
矣寡躬之夾輔每承顏於長樂晨昏盡誠重茹恤於
大喪哀慕踰禮芳猷幾播於彤管令聞允叶於黃裳
肆當殷制之告終亟循漢軒之策踰先陰迅駛思繼
序而疚懷興服焯焯徵掌故而有事於戲惟謙慎以
之居位惟儉勤以之飭躬夙夜虔蘋藻之供中外布

絃絃之教撫元良而慈育基我萬年率六宮以仁恩
囿彼群品庶幾訓辭之欽念勉圖福履之永綏 藝文
提舉
尹鳳
朝製
王大妃殿封王妃玉冊文 英宗己卯
兩曜之明垂法於齊體二南之治肇化於正家蓋大
婚有國所先而茲選在今尤重相躬享於真殿寧容
壺饋之久虛攀手澤於慈奩尚感翟褕之舊貯肆欽
遵於遺旨乃亟舉於彝章咨爾金氏稟姿幽閒襲訓
詩禮瓊聲靚穆動合坤元之儀玉度端莊無煩師氏
之教斯為載物之德允矣含章之貞廷論僉諧奚但

龜筮之協予志遂定克副寤寐之求正寶命於中闈
象服是稱嗣徽音於太母彤管愈光於戲惟柔敬可
以儷尊惟儉約可以飭已惟謹慎可以集百祿惟仁
惠可以資衆生芳猷夙彰佇見齊鷄之播詠晚政彌
勵庶賴周簪之進規勉思令圖永綏遐祚

廣州雷守
鄭暉良製

中宮殿封王妃玉冊文

當宁戊戌

乾坤資統承之功品物乃遂帝王重配匹之際風化
攸基道莫大乎造端禮故隆於正始爰稽典故載舉
緝儀咨爾王妃金氏仁厚家風幽閒夙譽為是羽聖
后華闕將嗣徽音所以先大王妙掄俾輔寡德穆然

正位乎內允矣含章在中三年之制與更架切繼序
之感百福之源方啓合膺齊體之尊肆當釋服之辰
庸申宣冊之命於戲惟誠敬可以承綸祀惟勤儉可
以處崇高奉晨昏於東朝罔懈執玉之念絲本支於
百世宜推藟葛之恩彤管之歌頌並流節應珩珮黃
裳之德任相稱化布絃綆式念訓辭永綏福履

金鍾
秀製

弘文
提學

文苑叢書卷之二

